

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0064992 25
Zenica, 12.01.2026. godine**

**OPĆINSKI SUD U ZENICI
Sudija za prethodno saslušanje
ZENICA**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

1. Š. A.-1, ..., neosuđivan,
2. Š. M., ..., neosuđivan,
3. Š. A.-2, ..., neosuđivana,

Što su,

Š. A.-1, sam

1. Dana 02.07.2025. godine, u mjestu ..., grad Zenica, pokušao silom spriječiti službena lica u obavljanju službene radnje-policijske službenike PS Centar H. A. i D. M. koji su obavljali poslove i zadatke saobraćajne patrola, te zaustavili pmv marke „...“ reg. oznaka ... kojim je upravljao Š. A.-1, te nakon što su ga zaustavili i utvrdili da je u vidno alkoholiziranom stanju, zbog čega su zatražili da se podvrgne alkotestiranju, što je odbio i vikom i galamom, te agresivnim ponašanjem narušio javni red i mir, nakon čega se pokušao pješke udaljiti sa lica mjesta, te ponovo odbio naredbu policijskih službenika da se podvrgne alkotestiranju, zbog čega su policijski službenici preduzeli službenu radnju njegovog lišavanja slobode, jer je narušavao javni red i mir i nije postupao po naredbi ovlaštenih službenih lica, kojom prilikom je A. pružao aktivan otpor otimajući se od njih, svjestan da na taj način pokušava spriječiti ovlaštena službena lica u vršenju službene radnje, što je i htio, ali su ga policijski službenici upotrebom fizičke snage lišili slobode,

dakle, silom pokušao spriječiti službene osobe pri obavljanju poslova javne sigurnosti,

Š. M. i Š. A.-2, zajedno

2. Istog dana, na istom mjestu, neposredno nakon, i u vrijeme događaja opisanog pod tačkom 1., dovezli se pmv marke „...“ reg. oznaka ..., kojim je upravljao M., u kojem su se nalazili A. i K. A., zaustavili vozilo i izašli, silom i ozbiljnom prijetnjom pokušali spriječiti ovlaštena službena lica PS Centar H. A. i D. M., te uz glasne psovke, prijetnje i vulgarnosti se obraćali policijskim službenicima, a kada je A. pokušao da napusti lice mjesta, u čemu su ga službenici spriječavali, da bi A. stala između njih, te uhvatila policijskog službenika H. A. u predjelu podlaktice, a M. povišenim tonom uz psovke se obratio policijskim službenicima govoreći da nikog neće alkotestirati dok je on tu, a kada su ovlaštena službena lica preduzeli službenu radnju lišavanja slobode Š. A.-1, M. im je uz psovke uputio ozbiljnu prijetnju da će ih likvidirati, odbijajući naređenje da se odmakne pri čemu je rukama odgurnuo policijskog službenika J. K., a A. u isto vrijeme uz psovke unoseći se u lice policijskom službeniku B. M. uputila prijetnju da će ga ubiti, hvatajući ga za podlaktice, svjesni i znajući da na taj način pokušavaju spriječiti ovlaštena službena lica u vršenju službene radnje, što su i htjeli, ali su ih policijski službenici upotrebom fizičke snage lišili slobode,

dakle, silom i ozbiljnom prijetnjom zajedno pokušali spriječiti službene osobe pri obavljanju poslova javne sigurnosti,

čime bi počinili:

- Š. A.-1 pod tačkom 1. krivično djelo Sprečavanje službene osobe u vršenju službene radnje u pokušaju iz člana 358. stav 3. u vezi sa stavom 1. KZ F BiH i članom 28. KZ FBiH;
- Š. M. i Š. A.-2 pod tačkom 2. krivično djelo Sprečavanje službene osobe u vršenju službene radnje u pokušaju iz člana 358. stav 3. u vezi sa stavom 1. KZ F BiH i u vezi sa članom 28. i 31 KZ FBiH.